

**Oies:** cors, grups de ciantarins o de musizisc é dër bëgnodüs ince a Oies a abelí les S. Mësses dla sabeda dales 16.00. Chi che foss disponibil da cianté o suné intratan l'ann pó se anunzié pro Stefan Piccolruaz al nr. 339 1529540.

Al vëgn ince lascé al savèi che vigni pròm vëndres dl mëis vëgnel tigní te capela dales 20.00 na adoraziun eucaristica.  
Poscibilité da se confessé él a Oies vigni de dan o do les S. Mësses. Al basta se lascé adintène pro P. Jan (ince te ciasa).

**Pelegrinaji:** jödapé de dlijia ciafëise i jorantins cun i pelegrinaji dla diozeja dl 2016.

**La Scora de Musiga tègn n "concert da Nadé"** en mercuri ai 16.12.2015 dales 18:00 tla dlijia de Badia. Al cianta y sona les scolares y i scolars dla Scora de Musiga dla Val Badia. Düc é dër bel invιά.


**Conzert "Lominus y ligrèza da Nadé:** l'Orchestra Val Badia adöm al'orchestra jonila, a n cor dla scora de musiga y al grup Mamblix sona deboriada musiga da Advënt y da Nadé (cun meditaziun) en sabeda, ai 19.12.2015 dales 17:00 tl salf dl Istitut Ladin a S.Martin. Düc é invιά.

**Marcé da Nadé tla scolina da San Ciascian:** la scolina da San Ciascian inviéia düc a so marcé da Nadé en vëndres, ai 18.12.2015 dales 8 ales 10 y dales 16 ales 18 te scolina. Al vëgn venü patüc fat a man dai mituns y dales mitans adöm a sü nenesc, lâs, geniturs y maestres. Ci che vëgn trat ite vá daldöt en benefiziënza a na familia cun 3 mituns da Weidental.

**Mostra da Nadé dles Patrones dl raiun de Puster** chësta domënia, ai 13.12.2015 tl Michael Bacher Haus a Bornech. Düc é invιά dales 10 inant cina les 18.

**Bonus bebé-contribut statal:** por i mituns nasciüs dal 01.01.2015 al 31.12.2017 pón ciafé 80 € (te valgügn caji 160 €) al mëis. L'ISEE (situaziun economica dla familia) ne pó nia superé 25.000 € al ann. Chësc bonus statal é compatibl con l'contribut regional/families. La domanda é da fá anter 90 dis dala nascita. L' KVV-ACLI, a Burnech, Str. Dante 1, se mët a disposiziun por fá la domanda, dal lönesc al vëndres (8.30 – 12.00) domisdé sön prenotaziun, tel. 0474 411252.

**Impressum:** Ploania Badia, redaziun Cristina Frena  
**Comunicaziuns** cina jöbia sëra a [parrocchiabadia@libero.it](mailto:parrocchiabadia@libero.it) o [frencris@alice.it](mailto:frencris@alice.it)  
**Download plata:** [www.valbadiaonline.it/comunite/ploanies/ploanies/ploania-badia.html](http://www.valbadiaonline.it/comunite/ploanies/ploanies/ploania-badia.html)



# Plata dla Ploania Badia

San Iaco - San Linert

Ploan: Siur Iaco Wendelin Willeit  
Colonia Badia: 0471/839571  
E-Mail: [parrocchiabadia@libero.it](mailto:parrocchiabadia@libero.it)  
Radio dla Ploania: 91,10 Mhz

UNITÉ PASTORALA



Ann C    13.12 - 20.12.2015    3<sup>a</sup> domënia de Advënt    n. 03

## Advent und Weihnachten



Zeit der Ankunft Gottes bei den Menschen, der Begegnung von Gott und Mensch und des Aufbruchs des Menschen zu Gott.

### Vangele dla domënia che vëgn - 4<sup>a</sup> de Advënt

Luc. 1, 39-47

En chi dis s'á Maria metü sön tru y é jüda debota te na cité tles munts dla Iudea. Ara é jüda tla ciasa de Zacaria y á saludé Elisabeta. Canche Elisabeta á aldí le salut de Maria, á le möt busié te so gremo. Dailó é Elisabeta gnüda implida dal Spirit Sant y á tlamé cun usc sterscia: Benedida este tö danter les ères, y benedí é le früt de to corp. Che sunsi pa iö ch'al vëgn da me la uma de mi Signur? Te chël momënt, canch'i á aldí to salut, á le möt busié dala ligrèza te mi corp. Beata é chëra, che á cherdü ch'al s'adempliss ci che le Signur ti á lascé dí. Dailó á dit Maria: Mia anima lalda la grandëza dl Signur, y mi spirit iubilèia por Dì, mi salvatur.

# FUNZIUNS SACRES

- 13.12. **3<sup>a</sup> DOMÈNIA de ADVÈNT - "Gaudete" / Ann C**  
09.30 Corona por les defuntes Tekla Valentin y Oliva Pizzinini  
10.00 Mëssa por la Comunità  
**19.30 RORATE: Uniun Èles / Kfb** ( cianta l' cor de dljia)  
†to Franz Pescolderungg - aniversar  
por fam. Sandro y Emma Canins • oferta por la diozeja •  
por fam. Franz y Maria Campej en rengraz. a S.Maria
- 14.12. Lünesc  
**07.30 Les Laudes**
- 15.12. Mertesc  
**19.30 RORATE: uniun paurs y familiars** (sona i Turmbläser)  
†ta Tekla Valentin - otavare  
†to Paul Irsara da Coz / †ti Lina y Vico Alfarei
- 16.12. Mercui  
**07.30 RORATE cun i scolars** (cianta i scolars)  
†to Franz Burchia - aniversar y †ti familiars  
vis y †ti de Ciastel / por fam. Erich Dapunt
- 17.12. Jöbia  
**19.30 RORATE por i grups de: oraziun a Oies, umes præia deboriada y Legio Mariae** ( cianta l'cuartet)  
por perié do vocaziuns  
†ta Eveline Rudiferia – aniversar  
†ti Agata y Pasquale Irsara
- 18.12. Vëndres  
**19.30 FUNZIUN PENITENZIALA** (cianta l'cor di èi)
- 19.12. Sabeda  
16.00 S.Mëssa a Oies  
**19.30 RORATE: defunc de nostes families** (cianta Kérygma)  
†ta Oliva Pizzinini Crazzolara - otavare  
†ta Angela Valentini – aniversar  
†ti Paul y Afra Declara - aniversar
- 20.12. **4<sup>a</sup> DOMÈNIA de ADVÈNT - Ann C**  
10.00 Mëssa por la Comunità  
**19.30 RORATE: amará y sorvisc sozial** ( cianta l'cor di èi)  
por i amará  
†to Armando Bertoldi - aniversar  
por fam. Maria Nagler Valentini

# Dala VITA dla CÛRA


Ann Sant 2015/16

**Domènia, 13.12.2015 dales 06:30 tl dom da Porsenú Rorate cun l'Vësko y daurida dla Porta Santa.**



**Confesciuns:** al sará ocajiun da se confessé en sabeda, ai 19.12.2015 y en domènia, ai 20.12.2015 dan i Rorate.

**Prozesciun y S.Mëssa sö Oies por la rô:** en recort dla desgrazia dla rô junse en lünesc, ai 14.12.2015 dales 14:30 en prozesciun dala Capela (Anvi) sö Oies y dailó gnarál zelebré la Mëssa.



Düta la Comunità tól pert al dolur di familiars dla defunta **Tekla Valentin** de 70 agn y dla defunta **Oliva Pizzinini Crazzolara** de 89 agn che é gnüdes cherdades tl'ultima edema dal Signur. Che ales paises tla pesc eterna.

**Marëna dla jënt atempada:** l'Consëi de Cûra inviëia düc i berbesc y les mëdes chësta domènia, ai 13.12.2015, do mëssa grana, a jí te Ciasa dles Uniuns, olache al sará la " tradizionala marëna da Nadé". Dales 14:00 gnarál fat na picera "devoziun de Advënt".



L'grup "*Umes præia deboriada*" se incunta en mercui ai 16.12.2015 dales 20.00 te calonia por n'ora de oraziun a chëla che düc é inviá.

**Meditaziun de Nadé:** la uniun dles èles inviëia dütes en mercui, ai 16.12.2015 dales 14:30 te Ciasa Runcher a na picera funziun. *Al é ince la poscibilité de fá y dé jö l'quiz sura la Bibia fora dl sföi "Ich bin dabei". Tolessel do, chëles che l'á ciafé.*

**Bibelrunde cun Siur Sepl Granruaz:** se incuntun en mertesc, ai 15.12.2015 dales 20.00 te calonia de Al Plan (bass ite). Düc é inviá.